

Inuup toqusup pigisai qanoq pineqassappat

Eqqartuussiviup suliamik suliarinnittarnera

Inuk toqugaangat taassuma pigisaasa agguanneqarnissaat eqqartuussiviup akisussaaffigaa.

Eqqartuussivik toqusoqarneranik palasimit nalunaarfigineqartarpoq. Ilaannikkut eqqartuussivik sivilaartumik nalunaarfigineqartanngilaq. Eqqartuussivik palasimit nalunaarfigineqaraangami iliuusereqqaakkamitut kommune, aningaaserivik, INI, Nukissiorfiit aamma Tele allaffigisarpai, tusarniarlugu taakkua toqukkut qimagussimasup aningaasanik pisassaqarfiginerai. Aamma eqqartuussiviup illerfissarsiuteqatigiit kingornussassialianillu nalunaarsuisarfik allaffigisarpai.

Tamatuma kingorna eqqartuussiviup toqukkut qimagussimasup ilaqtai attaveqarfiginiassavai, nassuiaatinniarlugit toqukkut qimagussimasup pigisai suunersut aamma kikkut ilaqtarinerai. Eqqartuussiviup ilaqutaasut oqaloqatigereeraangagit eqqartuussisup isummerfigikkajuttarparaa, suliaq qanoq inerneqassanersoq. Suliaq assigiinngitsunik arlalinnik suleriaaseqarluni suliarineqarsinnaavoq. Suliap qanoq suliarineqarnissaanut ilaatigut apeqquataasarpog toqukkut qimagussimasog katissimanikuunersoq aamma pigisai aningaasanngorlugit qanoq naleqartiginersut.

Ilaquttavit ilaat toquppat qanoq iliorsinnaavit

Toqusup pigisaasa paarilluarnissaat isumagiuk. Toqusimasog aningaasanik kaasarfimmioqarpat taakku aningaaserivimmi kontoanut ikineqassapput. Ikisinnermut allagartaq uppernarsaat tigutsillu eqqartuussivimmut nassiutikkut.

Pigisat aningaasanik nalillit – tunineqarsinnaasut - immaqqa allattorsinnaavatit. Toqusimasup aningaasaataanik kontoaniittunik tiguseqinak – imaassinnaavoq aningaasat uterteqquneqartut.

Toqusimasup qanigisaasa eqqartuussivik attaveqarfigisinnaakuttoorpaat. Eqqartuussiviup suliaq qanoq suliarissanerlugu siusinnerpaamik oqaatigisinnaavaa, ullormiit toquffiusumiit qaammatit marluk miss. qaangiuppata.

Eqqartuussiviup suliaq suliarisinnaassaguniuk paasissutissat makku pisariaqartippai:

- Toqukkut qimagussimasoq katisimanikuua?
- Toqukkut qimagussimasoq meeraqarpa, aamma toqoreernikunik?
- Toqukkut qimagussimasoq aningaasanik nalilinnik sunik pigisaqarpa?

Toqukkut qimagussimasoq katisimanikuuppat eqqartuussivik aamma paasitinneqassaaq aappaasoq sunik pigisaqarnersoq.